

Рамазонда ифторга чақирган руҳоний



09:00 / 13.04.2022 4167

(ибратли воқеа)

Германияда Рамазон ойида руҳоний уйига бир фабрикада ишлайдиган турк ишчиларини ифторликка чақиради. Баъзи ишчилар узрли бўлгани учун қабул этмадилар, баъзилари руҳонийни хафа қилмаслик мақсадида даъватни қабул этдилар.

Ифтор вақти меҳмонларни руҳоний қўлида Қуръони Карим билан кутиб олади, меҳмонларнинг ёнига келиб:

- Мен Қуръон эшитишдан катта завқ оламан, бирингиз ўқисангиз, мен тингласам, - деди.

Руҳоний Қуръони Каримни стол устига қўйиб ошхона томон юрди. Бу орада ўртага совуқ сукунат чўкди. Ҳамма бир-бирига умид билан боқар, аммо ҳеч ким Қуръон ўқишни билмас эди. Ораларидан бири:

- Эй, ичимизда биронтамиз «Фотиҳа»ни билармиз, Қуръонни очиб, «Фотиҳа»ни ёддан ўқийверсин, бу руҳоний қаердан биларди буни, - деди.

Улардан бири Қуръонни ўртасидан очиб, Фотиҳани ўқий бошлади. Шу аснода руҳоний хонага кирар экан, қараса Қуръон ўқиш бошланибди,

кўрдик китобнинг ўртасидан очилган, яқин келиб:

- Бир дақиқа, сен Қурон ўқимаяпсан, чунки ўқиётганинг у сура Қуръоннинг бошида, - деди-да, сўзида давом этди. — Аслида мен сизларни бу ерга нимага чақирдим, олти аср адолат-да дунёда ҳукм юритган Усмонлининг неваралари бугун бизга хизматкор ҳолига тушди, саволи қийнар эди, саволимга жавобни сизлардан олдим, раҳмат. Сизнинг аждодингиз Усмонли динига мустаҳкам боғлиқлигидан дунёга ҳукмдор бўлди. Сизлар эса Қурондан узоқлашдингиз ва бугун хизматкор ҳолига тушдингиз...

P.S: Бугунги хорлигимиз сабабини ўйлаб кўриш вақти етгандир...

Манба: Ҳаётий сабоқлар телеграм канали